



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ad annum Christi 1563

Fleury, Claude

August. Vind. [u.a.], 1771

VD18 90118618

§. 28. Commendonus tanquam Sedis Apostolicæ Nuntius in Poloniam
decretus.

[urn:nbn:de:hbz:466:1-66653](https://nbn-resolving.org/urn:nbn:de:hbz:466:1-66653)

§. XXVIII.

Sæcul. XVI.
A.C. 1536.

Commendonus tanquam Sedis Apostolicæ Nuntius in Poloniam decretus.

Sub idem tempus Joannes Franciscus Commendonus Venetiis Tridentum venit, accitus a Synodi Legatis: cum autem Pontifici nuntiatum esset, quod tumultus in Polonia indies magis au-
gerentur, ac timendum foret, ne hæreticorum factio prævaleret, ac primi hæ-
seditiois motus, utpote semper magis violenti, magnam in hoc regno muta-
tionem inducerent, hinc Commendonum tanquam Papæ Nuntium in Poloniam ire jussit, præcepitque, ut Lega-
tionis suæ mandata acciperet ab Osio Cardinale Varmieni Episcopo, ac Synodi Legato, qui etiam summo Pontifici author existit, ut hunc Nuntium omni celeritate eo decerneret, quatenus comitiis Varsoviæ celebrandis interesse, ac quantum in ipso foret, sua præsentia præpedire possit, ne in hoc Regno fides orthodoxa depravaretur, sed potius Ordo Ecclesiasticus, qui in Senatu, ac Poloniæ comitiis primum honoris gradum obtinet, contra hæreticorum furorem, & Novatorum violentiam defenderetur, præcipue autem Religionis causa propugnaretur: ergo

*Pallav. n. 3.
Gratian.
vie de Com-
mend. l. 2. c. 6.*

Sæcul. XVI
A.C. 1563.

ergo Commendonus Mense Novembri profectus Varsovia[m] opportuno tempore venit, omni ea celeritate usus, quam ei tempestatis iniquitas, atque itinerum asperitas indulserant. Hunc Rex cum omni benevolentia, atque amicitia, quæ majorem expectare haud poterat, excipiebat, atque in tanto pretio hujus Nuntii modestiam, honestatem, ac ingenii aciem habebat, ut, quamvis plerumque pravis suis affectibus, ac voluptatibus cedere assuetus esset, semper tamen Commendoni virtutem plurimum admiraretur, ac nunquam debitam ei venerationem, ac reverentiam exhibere omitteret: Verum hujus Legationis successum postea referemus.

§. XXIX.

Vicecomes a Papa Romam ablegatus.

Pallav. n. 4.
Et 5.
Viscont. lett.
du 6. Sept.
tom. 2. p. 33.

Eodem tempore, quo Commendonus Tridentum venerat, inde Vicecomes Ventimiliensis Episcopus discessit non quidem, ut Cardinalem Lotharingium Romam comitaretur, prout antea decreverat Pontifex, sed ut ad Hispaniæ Aulam contenderet: cum autem Romam versus iter suum instituere cogeretur, Cardinalem prævenerat, ut de præsentis Concilii statu Pontificem certiorum reddere, ac proin eundem magis